

ԱՍՏՂԻԿ ԳԵՎՈՐԳՅԱՆ

ՍԻՐԱՐՓԻ ՏԵՐ-ՆԵՐՍԵՍՅԱՆԻ ԱԶԱԿՑՈՒԹՅՈՒՆԸ ՀԱՅ ՄԱՆՐԱՆԿԱՐԻՉՆԵՐԻ ՄԱՏԵՆԱԳԻՏՈՒԹՅՈՒՆ ԱՇԽԱՏՈՒԹՅԱՆԸ

«Հայ մանրանկարչության պայծառ գույների արտացոլումը կար նրա աչհերում»: Այսպես է բնութագրել Ս. Տեր-Ներսեսյանին լրագրողներից մեկը, հորը նրան հանդիպել է Մատենադարանում:

Եվ իսկապես, անգնահատելի է նրա նվիրումը հայ արվեստին: Մեծ գիտնականն իր խոր ու իմաստնացած հայացքով վերծանում էր մեր մագաղաթյա մտայնանքը: Մատենադարանի մասին նա այսպես է արտահայտվել. «Մատենադարանը ինձի համար սրբավայր մըն է, որ ինքնամոռաց խելումի կը տրամադրե: Հայաստան գտնած օրերուս բոլոր ժամերը կուզեմ հոս անցկացնել: Այնքան բան կը պատմեն այս ձեռագրերը, այնքան գաղտնիքներ կը թափանցեն իրենց մէջ: Երևանի Մատենադարանը, շարունակում է նա, ամսպատ գանձարան մըն է, դեռևս այնքան բան կայ ուսումնասիրելու, աշխարհին ցոյց տալու: Եվ ուրախ եմ, շատ ուրախ, որ ան իր յարկին տակ ունի շնորհալի երիտասարդ գիտնականներ, միայն թէ հարկաւոր է, որ ամռնք տիրապետեն շատ լեզուներու...»: Ապա ավելացնում է. «Բարձունքները տմնաջան, համառ աշխատանքով կը նուսենք և նաև՝ մեծ սիրով ու նուիրումով»:

Ս. Տեր-Ներսեսյանի այս վերջին մտորումները կարծես ինձ պարտավորեցրին՝ զբաղվել հայ մանրանկարչների մատենագիտությամբ՝ նպատակ ունենալով օգտակար ծառայություն մատուցել մանրանկարչությանը ուսումնասիրող երիտասարդ մասնագետներին:

Ինչպես որ առանց ձեռագրաց ցուցակների հմարավոր չէ պատկերացում կազմել մեր ձեռագրական հարստությունների մասին, այդպես էլ մանրանկարչության մատենագիտության բացակայության պայմաններում մասնագետների ուշադրությունից կարող են վրիպել բարձրարվեստ նկարազարդումներ ստեղծած որոշ գրչության օջախներ, ինչպես և բազմաթիվ ծաղկողների ինքնությունը որոշող տվյալներ:

Հրապարակի վրա եղած հայ արվեստագետներին նվիրված բառարանների հիման վրա, որոնց նախաձեռնողները եղել են արժանահիշատակ գիտնականներ Գարեգին Լևոնյանը, Օճեիկ Ավետիսյանը, Դանիել Դգնունին, Տիգրան Կուլումնյանը, Նորայր Պողարյանը, Մոսկվայում հրատարակված «Բիզրիքի ոգրաֆիչեսկի սլովար»-ի չորս հատորներում /1970-1983 թթ./ ընդգրկված են նաև հայ մանրանկարչների աշխատանքները (Ա-Մ): Բացի այդ, Լևոն Զուգասյանի միջոցով տեղեկացանք Գերմանիայում հրատարակվող համաշխարհային նկարչների բառարանի մասին, որին մասամբ մասնակցեցին նաև մեր մասնագետները:

Սակայն այս ամենը հեռու էր մեզ հետաքրքրող ընդգրկուն մատենագիտությունը համարվելուց:

Մեր աշխատության մեջ ընդգրկված են Մաշտոցի անվան Մատենադարանում պահվող 9-19-րդ դարերի 9.000 պատկերազարդ մատյանների շուրջ 470 նկարիչների անուններ. որոնք գործել են հայ գրչության տարրեր օջախներում:

Աշխատանքի ընթացքում հատուկ ուսումնասիրության նյութ են դարձել նորահայտ նկարիչների գործերը, ճշտվել որոշ ձեռագրերի ժամանակն ու վայրը, համարվել հայտնի նկարիչների գործերը նորահայտ մատյաններով:

Բերենք մի քանի օրինակներ.

Կալիֆոռնիայի համալսարանի ուսուցչապետ Տիգրան Կուլումբյանի հրատարակած մինչև 1.000 թվահամարը ընդգրկող մանրանկարված ձեռագրերի մատենագիտության մեջ նշված էր Նյու Յորքի Մորգանի գրադարանի թիվ 789 ձեռագիրը, որը բաղկացած էր ընդամենը երեք պատկերազարդ թերթերից: Այդ նկարները մեզ թույլ տվեցին հնթադրելու, որ դրանք պետք է անջատված լինեին նկարիչ Պողոսի ընդօրինակած 1297 թ. Ավետարանից: Հարգարժան Ավետիք Սանջյանից և Թովմաս Մեթյունից մեր խնդրած ձեռագրի գունատիպ լուսանկարները համոզեցին, որ դրանք իսկապես Մատենադարանի հիշված ձեռագրի րացուկա էջերն են:



Սիրարփի Տեր-Ներսիսյանը (կենտրոնում) շրջապատված
Մատենադարանի աշխատակիցներով

Հատկապես դրսի ձեռագրերի հետ կապված նշգրտումները մեծ մասամբ պայմանավորված են եղել շնորհիվ Ս. Տեր-Ներսիսյանի հետ ունեցած մեր նամակագրության: Այսպես, Ղրիմի գաղթօջախի 17-րդ դարի մանրանկարիչ Նիկողայոս Մելանավորի ընդօրինակությամբ Մատենադարանում ունենք 30

ձեռագիր: Դրանցից մեկը նկարիչն ընդօրինակել է կիլիկյան «Ութ նկարիչների» Ավետարանից: Բայց պարզվեց, որ Նիկողայոսն այն ընդօրինակել է երեք անգամ: Երկրորդ օրինակը պահվում է Ադրբեջանի ԳԱ գրադարանում, իսկ երրորդ օրինակի մասին մեզ տեղեկացրեց Ս. Տեր-Ներսեսյանը: Նա գրում է. «Նիկողոսի մասին ձեր դրած տեղեկությունները և լուսանկարները շատ օգտակար են: Ինչ տարօրինակ բան է, որ այդ Նիկողայոս գրիչը այդպես մանրանկարներ ունեցող ձեռագիրը ընդօրինակել է երեք անգամ: Հիմա վստահ եմ, որ Գյուլբենկյան հավաքածուի մեջ տեսածս ձեռագիրը, որ նույնպես ընդօրինակված է «Ութ նկարիչների» Ավետարանից, նույն Նիկողայոսի գործն է»:

Մատենադարանի փոխտնօրեն Բաբկեն Զուգասյանի ջանքերով ԱՄՆ-ից քերված մի Ավետարանը ժամանակին ձուլմանսիրել էր Ս. Տեր-Ներսեսյանը, սակայն չէր ավարտել և ցանկանում էր ունենալ նոր տվյալներ. «Զեռագրի լրացուցիչ բացատրության համար ձեր աջակցության պետք ունիմ»։ Մենք հաճույժով կատարեցինք: Այդ առիթով էր, որ նա գրում է.

«Մանրանկարիչներու մասին բավականին տվյալներ հավաքած եմ, որոնք ֆաղված են ձեռագիրներե, և տակավին չեն երատարակված, նույնիսկ չեն ցուցակագրված...: Եթե մանրանկարիչներե ոմանց մասին լրացուցիչ տեղեկություններու պետք ունեք, խնդրեմ, գրեցե՛ք ինձ: Եվ եթե այդպիսի տեղեկություններ ունեմ, սիրով ձեզ կուղարկեմ: Կարծեմ ձեզ վստահացնելու պետք չունեմ ու միշտ պատրաստ եմ ձեզ օգնելու...»:

Ս. Տեր-Ներսեսյանը ոչ միայն աջակցում էր մատենագիտությանը, այլև երբեմն իր մտորումները այս կամ այն ծաղկողի մասին կիսում էր ինձ հետ և հենց դրանով էլ դարձյալ օգնում էր: Այսպես, նամակներից մեկում իր կարծիքն է հայտնում այն մասին, թե Մատենադարանի կիլիկյան ձեռագրերից երկուսի ավետարանիչների պատկերները պետք է որ միևնույն ծաղկողին պատկանեն. «Եթե առիթը ունենա՞մ, պետք է խնդրեմ, որ այդ կետը նշտե՛ք»: Անշուշտ այդ նշտումը անհրաժեշտ էր նաև մատենագիտությանը:

Մատենագիտության համար արժեքավոր ճշգրտումներից մեկն էլ Թորոս Ռոսլինի մեզ հայտնի նկարագրագծած առաջին Ավետարանի հայտնաբերումն էր: Հայտնի էր, որ ձեռագիրը պատվիրել էր կիլիկյան Կոստանդին Կաթողիկոսը՝ իր սան Լևոն Գ թագածառնգի համար: Գաղթի ու թալանի հետևանքով տեղից-տեղ թափառած շատ ձեռագրերի հետ միասին, երկար ու արկածալի ճամապարհ անցած այս Ավետարանը, ֆայժված ու թերթահան, վիրավոր վիճակում ապաստան էր գտել Մաշտոցի անվան Մատենադարանում՝ անհայտ պատեհով իրեն ու իր հոշակավոր հեղինակին:

Երկար որոնումները պարզեցին, որ ձեռագրի ինը խորանները փակցվել էին 1700 թ. Ղրիմում ընդօրինակված մի Ավետարանում /Զեռ. 8.000/: Իսկ 10-րդ խորանը գտնվեց Մատենադարանի ցուցասրահում, որտեղ այն ներկայացված էր օրպես 14-րդ դարի կիլիկյան ձեռագրերից մի պատառիկ: Լևոն Գ-ի պատանեկան նկարը փակցված էր Մատենադարանի 7690 ձեռագրում: Հայտնաբերվեց ձեռագիրը, և բացակա թերթերը տեղադրվեցին այնտեղ: Դա Մատենադարանի թ. 8321 Ավետարանն է:

Սիրաբեր Տեր-Ներսեսյանը, ֆաշտեղյակ լինելով Ռոսլինի արվեստին, այդ Ավետարանի հայտնաբերման մասին գրում է. «Շնորհավորում եմ, որ կրցա՞մ շատ

համոզիչ կերպով լուծել էևոն Գ թագավորի նկարի խնդիրը և գտնել այն ձեռագիրը, որուն նախապես կպատկաներ»: Ինձ համար, բնական է, շատ կարևոր էր նրա կարծիքը:

Մատենագիտության առիթով բացահայտվեցին նաև 14-րդ դարի մանրանկարիչ Պողոս Ակենցու մատյանները, որոնց թվը հասնում է 14-ի, այն դեպքում, երբ Գարեգին Հովսեփյանին և Արամ Ավետիսյանին հայտնի էին ընդամենը երկու ձեռագիր՝ ընդօրինակված Գլաճորում:

Բացահայտվեցին արժեքավոր նկարազարդ մատյաններ, որոնք ընդօրինակվել էին Սյունյաց աշխարհի նշանավոր Գլաճորի համալսարանի ուսումնամանկավարժական գործի անմիջական շարունակող հանդիսացող Հերմոնի վանքի բարձր տիպի վարդապետարանում: Որոշումներին մեզ հայտնի դարձավ անուշադրության մատնված 15-րդ դարի գրիչ Հովհաննեսի ընդօրինակած Ավետարանը՝ իր հարուստ տեքստական պատկերաշարով, որի գրչության վայրը Հերմոնի վանքն է:

Հայ մանրանկարչական արվեստի պատմությունը զգալիորեն հարստանում է գաղթօջախների նկարիչների նորահայտ գործերով: Հայտնաբերվեց Կ. Պոլսի 17-րդ դարի լավագույն նկարիչներից մեկի՝ Մարկոս Պատկերասեանի շքեղորեն նկարազարդած 1651 թ. Հայսմավուրբը, որը հետազայում, էջմիածնի գրչատանը, գաղափար օրինակ դարձավ Նաղաշ Հովնաթանի որդիների՝ Հակոբի և Հարությունի համար, որոնց ընդօրինակած Հայսմավուրբը դարձյալ անհայտ էր մնացել: Ժամանակեցին նաև Նաղաշ Հովնաթանի տոհմի նկարիչները՝ Նաղաշի հայրը՝ Հոհանը, Նաղաշի եղբայրը՝ Մարգարեն, նրա որդին և ուրիշներ:

Մատենագիտության մեջ հնշվի են առնված մասնագետների ուսումնասիրությունները, նրանց կողմից կատարված նշումներն ու լրացումները:

Հնարավորության սահմաններում օգտվել ենք արտասահմանյան ձեռագրերից, ցուցակներից և ընդգրկել մի շարք ծաղկողների վերաբերյալ լրացուցիչ աներաժեշտ տեղեկություններ:

Մատենագիտությունն ունի նաև ընդարձակ ցանկեր: Հին և Նոր Կտակարանների թեմատիկ նկարների հարուստ ցանկը տրվում է առաջին անգամ¹:

Մանրանկարիչներին վերաբերող այս աշխատությունը չէր կարող լիարժեք համարվել մանրանկարչության ուսումնասիրման համար, քանի որ չափազանց շատ են այն նկարազարդ մատյանները, որոնց նկարիչներն անհայտ են: Ուստի ձեռնամուխ եղանկ կազմելու 7-19-րդ դարերի «Անանուն մանրանկարիչների մատենագիտությունը»: Ավարտին է մոտենում 17-րդ դարի նկարազարդ ձեռագրերի ուսումնասիրումը:

Սիրարփի Տեր-Ներսեսյանը երկրորդ անգամ նրևան այցելեց 1969 թվականի շունին: Նրա հետ ունեցած Մատենադարանի աշխատակիցների հանդիպումները չափազանց ջերմ էին ու անմոռանալի: Զրավարարվելով Մատենադարանի հանդիպումներով, մեծ նրան անհանգստացնում էին երեկոները՝ հանախելով հյուրանոց, օրտեղ նա միշտ սիրով էր պատասխանում մեզ հետաքրքրող բազում հարցերին:

¹ Աշխատությունը տպագրական ընթացքի մեջ է սկսած 1985 թվականից առ այսօր:

Ինչպե՞ս կարելի է մոռանալ այնքան սիրված ու հարգված մարդու, մեծագույն արվեստագետի այդ գրույցների ընթացքում ասած իմաստուն խոսքերը, որ արժանագրել էր շնորհալի լրագրողն ու պահ տվել մեզ:

«Ամբողջ պատմություն մը, ժողովրդի մը հարուստ մշակույթը, այս նույն ժողովրդի էությունը, նկարագիրը կա այս ճեղագրերուն մեջ: Բացահայտել այդ էությունը և աշխարհին ըմբռնելի դարձնել այդ՝ կնշանակե աշխարհը հարստացնել ինքնություն բույրով ու երանգով մը ևս, կնշանակե փառավորել հայ ժողովրդի անունը...»:

1983 թվականին երբ ստացել էր «Դիմանկար» ավբումը, ջերմորեն շնորհավորելուց հետո, նամակն ավարտում է այսպես.

«Երանի թե կարենայի անգամ մը ևս գալ և ինչ ու ուրիշներուն հետ նույն սենյակը աշխատել. բայց այդ մասին երազել իսկ ավելորդ է»:

Նա ընդհանրապես ուշադիր էր Մատենադարանի յուրաքանչյուր երիտասարդ գիտնականի նկատմամբ, և դա արտահայտում էր նաև նրանց աշխատություններին նվիրած իր գրախոսություններով:

Սիրարփի Տեր-Ներսիսյանի 1969 թվականի այցելությունից հիշատակ մնաց հրաժեշտի լուսանկարը:

Հավերժ փա՛ռք նրա հիշատակին:

